

北極真武普慈度世法懺卷之六

步虛

爾時妙行真人與諸仙子曰昔九疑山女真王妙想朝謁精誠忽有所感一日祥雲滿庭光燭殿壇旌幢鶴蓋浮空而下見一天官羽衣寶冠昇殿而坐謂妙想曰吾乃往昔有虞氏之君舜帝也勞猷萬國養道此山每欲誘教後人使之知道世無可教授者大道在於內不在於外道在爾身不在他人玄經所謂修之於身其德乃真近者地司所奏汝守道不邪遵蒙玄戒若無所證乃道之棄人也又玄經云常善救物故無棄物而道之布惠周遍則物物皆欲成之人人皆欲度之但世人福果卑微道炁膚淺不能精專勤學道業未就而已中怠是人自棄道非道棄人蓋上聖高真歷劫不常代運流轉陰陽倚伏生死推遷俄爾之間至陽九百六之會致致下教以救於人尤切於世人之求道也然世人求道也若存若亡繫念存心萬中無一天真慈俗常在人間隱影化形隨方開悟子欲長生

明十二

七

三一當明子能守一一亦守子矣能變為精精變為嬰兒嬰兒上為真人真人然後為亦子此是真人一也又曰偽道養形真道養神神真道通能亡能存神能飛形亦能移山形受灰土其何識焉身目聲色為子留戀鼻口所喜香味是寃身為惱本痛痒寒溫意為形累愁毒憂煩弗疾去之則志氣自耗壽命不延臣等欽惟上聖哀救世人廣示訓章開度羣品當遵品戒竭心修習負荷至恩不勝慚激一心發念五體傾依稽首慈尊敬禮真聖

志心朝禮虛無自然元始天尊
志心朝禮玉宸道君靈寶天尊
志心朝禮太上老君道德天尊
志心朝禮法主玄天仁威上帝
志心朝禮聖父明真大帝
志心朝禮聖母瓊真上仙
志心朝禮聖師豐乾大帝
志心朝禮西國紫玄元君
志心朝禮金闕化身天尊
志心朝禮玄元顯應天尊

志心朝禮太清靈寶天尊
志心朝禮日光開瑞天尊
志心朝禮武曲應化天尊
志心朝禮虛星應化天尊
志心朝禮危星應化天尊
志心朝禮天一應化天尊
志心朝禮太一應化天尊
志心朝禮辰星應化天尊
臣等志心皈身皈神皈命

玄天應靈顯化諸尊臣等恭承經寶太上垂訓曰齋戒者道之根本法之津梁子欲學道清齋奉戒念念正真邪妄自泯一切衆生捨清淨域耽嗜葷羶而以觸法譬如餓鬼啗食死屍火燒飢腸飢腸無飽又如蠅蟲爭奪臭腐妄為羶香而以觸法三官瀾濁六腑不淨尸魄欣昌樂於死地子當割嗜欲根入真淨境無作諸苦無造諸惡無生諸見無犯諸邪子觀戒文如世法律欲有所犯懇金木刑子於戒文精意奉持凜然在前如對所畏秉心正嚴滅一切想諦聽不二可會正真是吾弟

子也謹按修真第六品戒云不得飲酒過差
食諸獸物以令弟子某等切慮縱心侈欲玩
意貪觀量吸鯨吞日夕第從於酩酊味耽鴆
毒歲時惟喜於腥羶假名乎仙境之瓊漿求
異乎貴家之玉食忘形嗜好適興肥甘百醉
千場裸袒轉成於放曠五辛六獸啗膏務在
於飽充穢氣燦人沈酗亂性舉動第多於狂
惑語言罔顧於淫邪剗當喬輪之辰偏起穢
殘之念但資口腹不護身軀遍街握腕以潛
行穢室躡蹤而競往所爲不擇其處非良踐
復既虧設施徒謬上來往業見在世中立身
薄薄舉事卑汙死墮地獄長劫受苦盡復
生遂入惡道報盡復還生於茲世以前業故
尚有餘殃受報未已今則聞經所說大可驚
惶仰對聖前恭投懺悔一心致虔皈依信禮

志心朝禮靈元虛湛天尊
志心朝禮靈始象仙天尊
志心朝禮靈常淡寂天尊
志心朝禮靈達無爲天尊
志心朝禮靈爲悟本天尊

志心朝禮靈能含漢天尊
志心朝禮靈通無極天尊
志心朝禮靈一通神天尊
志心朝禮靈欲觀妙天尊
志心朝禮靈藏萬化天尊
志心朝禮靈當利用天尊
志心朝禮靈烝致柔天尊
志心朝禮靈和微明天尊
志心朝禮靈顯瑞妙天尊
志心朝禮靈光及物天尊
志心朝禮靈音演妙天尊
志心朝禮靈文溥暢天尊
志心朝禮靈書紀教天尊
志心朝禮靈風傳瑞天尊
志心朝禮靈運陰陽天尊
志心朝禮靈彰造化天尊
志心朝禮靈周十地天尊
志心朝禮靈超萬慮天尊
志心朝禮靈光法性天尊
志心朝禮靈化無私天尊

志心朝禮靈轉無涯天尊
志心朝禮靈用不窮天尊
志心朝禮靈慶有性天尊
志心朝禮靈智不殆天尊
志心朝禮靈振持重天尊
志心朝禮靈無妄作天尊
志心朝禮靈無彼竟天尊
志心朝禮靈除我智天尊
志心朝禮靈機遂變天尊
志心朝禮靈報復命天尊
志心朝禮靈洞大無天尊
志心朝禮靈泉大有天尊
志心朝禮靈有大惠天尊
天尊上聖禮念既周再竭一心遙瞻
神府皈命

紫皇天一眞慶官元和遷校府北極佑聖院
諸眞仙衆今日道場大衆虔叩
教主北極鎮天佑聖助順眞武靈應福德眞
君玉虛師相玄天上帝伏願甲騎前驅丁神
後從茂揚休杜俯洽黎民今爲弟子某懺除

上來所犯六品戒云飲酒過差食諸獸物之罪先世今生遺殃往劫上延祖考下逮宗親沉酣不已而溺志踈強遊宴無度而裸身廢禮喜烹異味不知厭觸之愆故殺金靈專事膾炙之美誇恃酒聖宰戮物牲褻慢高真難逃重譴罪將條列惡已貫盈攬亂靈司糾錄不已今憑懺悔願望宣恩勅下九府業道治罪冥官主錄曹僚靈司掾吏執法大神廣行慈憫並賜赦原求懺弟子等同法衆等遵奉玄科入道登真戒常行清淨勿矜汗俗澄神淨慮約已存神飲無過多食無厭穢守皆醉獨醒之悔微以借紅循養生送死之規資之斑白即斯發露徑此懺陳伏願澤沛乾坤恩垂雨露原宥顛狂之譴鑒觀改悔之私惠及草萊咸享安康之樂光浮蓬華永消暗昧之虞常奉至真永依玄教以斯利益遍悉莊嚴國治民安莫匪平寧而置器官清道泰曾何凌犯以爭衡一切有情俱登道岸

北極真武普慈度世法懺卷之六

北極真武普慈度世法懺卷之七八同 則主步虛

爾時妙行真人告諸仙曰昔太上顯號靜老天尊行教五方開度人天乃先天地以資萬類上處玉京爲神王之宗下在紫微爲飛仙之祖千變萬化有德不德隨機應物厥跡無常授軒轅於崆峒教帝嚳於牧德大禹承長生之訣尹喜受道德之旨丹書紫字昇玄飛步之經玉石金光妙有洞靈之說如此之文不可勝紀自上古歷劫至黃帝帝嚳夏禹並遇神人咸受道錄年代既久經史無聞迨及姬周東辭函谷西入蜀窟見恍惚之容演希夷之訓是以善利西方化流中國且夫人之生也天傳之以神地傳之以精中和傳之以炁人能保精愛神護炁內則致身長生外則致國太平故爲人臣者當上忠其君欲其長生爲人子者當念父母懼其將老爲人弟子者當念師恩蓋受身於父母成道德於真師得水土之養於君尊當念君父師之將老無以復之或行學修善更師賢明求奇才異術

而資益之此乃太古上皇嘗令修善之人言行精實心自克責洗心易行感動上玄受天地恩不忘報謝精專弗怠得致神仙臣等幻化生身叨承蓋載君親寵渥父母劬勞得佩訓章敢忘所自式憑香火用報洪恩兼躬致虔一心發念稽首皈依正真三寶

志心朝禮虛無自然元始天尊
志心朝禮玉宸道君靈寶天尊
志心朝禮太上老君道德天尊
志心朝禮玉虛師相玄天上帝
志心朝禮聖父明真大帝
志心朝禮聖母瓊真上仙
志心朝禮聖師豐乾大帝
志心朝禮西國紫玄元君
志心朝禮金闕化身天尊
志心朝禮玄元顯應天尊
志心朝禮太清靈寶天尊
志心朝禮高上玉真天尊
志心朝禮日光開瑞天尊
志心朝禮武曲應化天尊